

**GOVERNMENT OF MIZORAM
ART & CULTURE DEPARTMENT**

.....

NOTIFICATION

Dated the 10th June, 2022

No.B.20011/1/2019-AC: Art & Culture Department chuan Mizo Puan panga (1)Puanchei (2)Hmaram (3)Ngotekherh (4)Pawndum leh (5)Tawlhlohpuan te chu Geographical Indication Tag a hmuh hnuah heng hnam puan pangate tan tehfung (Benchmarks) Notification No.B.20011/1/2019-AC dt.9.9.2019 a chhuah tawh a. Heng Mizo puante tah dan dik (Technical Specification) leh a zahawmna vawnhim bakah hman dan leh khuahkhirhna dan hi Mizoram Governor hmingin a hnuai mi ang hian thu leh awm hma zawng hman nghal turin Notification chhuah a ni e.

1. PUANCHEI

I. THUHMA :

Mizo PUANCHEI hi Mizo hnam incheina te zinga a mawi ber pâwl leh langsar ber a ni a. Mizoram Sorkar hmalaknain kum 2019 khan Indian Geographical Indication Registry hnuai hian ziah luh niin, Geographical Indication No. 583-na a ni. Sorkar leh mipuite hian PUANCHEI hi tûn aia nasa a humhim leh chawi lâz zêl tum a tha ang a. A hlutna tizual tûr leh a neitu nihna lantir lehzual theihna'n thil tihhona hrang hrang - kûtni vângthla, inneihna leh ni pawimawhahte Mizo hmeichhiate hian veng uar lehzual baw k ila a tha ang.

PUANCHEI hi Mizo hmeichhiate incheina puan a nih angin a nihna ang tur chauha hman ni se la, a zahawmna leh hlutna tichhe thei zawnga hman loh hrâm hrâm tur a ni. PUANCHEI tahtute pawhin khawvel huapah pawh pho chhuah tlâkin, uluk tak leh tha takin, a hlutna leh zahawmna vawnhimna rilru puin tah tur a ni.

PUANCHEI-a zethlan mawi tak tak awmte hi Mizo puan dangte leh thil dangah hman a paw lo ang a, amaherawhchu a puan ang ngau ngau hi chuan thil dang a thui leh hman a rem lo a ni.

II. PUANCHEI TAH DAN TUR TLANGPUI

- 1) PUANCHEI hi Mizote'n kan puan neih zinga a mawi leh lâz ber pâwl a nih avangin a hlutna, mawina leh a ziate hi tute pawhin vawnhim tlat tur a ni. A tahtu apiangte pawhin uluk tak leh tha thei ang berin tah thin tur a ni a, a chhûnglam leh pâwnlam hriat hran hleih theih loh khawpa mâm leh tha a tah tur a ni.
- 2) PUANCHEI atana là (thread) hman tur chu la tha tak an ni tur a ni a. Cotton, acrylic, silk leh natural fibre-te chauh hman tur a ni. A thairuih leh a zeh atan silk, wool leh acrylic-te hman theih a ni ang.
- 3) PUANCHEI chu zai (lazai) malin, malkalh a tah tur a ni. A tung leh a pheiah zai hnih emaw a aia tam emaw kawp a rem lovang.

- 4) PUANCHEI chuan hmawrfêm a nei ngei tur a ni a. A fêm chu uluk tak a hruai emaw, tlar hnih a suih emaw a ni tur a ni.

III. PUANCHEI A ZEH HRANG HRANG AWM TE

PUANCHEI hian zethlan danglam bîk a nei a. A zeh hrang hrangte hi an awmna hmun tur theuhah zêl chauh zeh tur a ni. Heng a hnuai zethlan hrang hrangte hi PUANCHEI-ah chuan a awm ngei tur a ni.

- 1) Disûl (hnahchawi 12 aia tlêm lo tûr)
- 2) Fanghmamu/Halkha
- 3) Thaihruih
- 4) Kherh
- 5) Lenbuangthuam (hnahchawi 12 aia tlêm lo tûr)
- 6) Sakeizângzia
- 7) Hmaizah

IV. PUANCHEI A RAWNG CHI HRANG HRANG HMAN TE

PUANCHEI hi a mawi hle a, a timawitu ber chu rawng chi hrang hrang inchawih mawi taka a awm vâng hi a ni. Hmanlaia pi puten rawng an neih hmasakte atangin zawi zawiin vawiina kan neih ang PUANCHEI rawng mawi tak hi a lo chhuak ta a ni. PUANCHEI-ah chuan rawng hi chi sarhi (7) hman a ni a. Chung bâk chu hman tur a ni lova, paih then tur pawh a ni lo. Chung rawng te chu:-

- 1) A sen (Red)
- 2) A var (White)
- 3) A hring (Green)
- 4) A eng (Yellow)
- 5) A pawl (Blue)
- 6) A dum (Black)
- 7) A sendâng (Pink)

V. PUANCHEI A A BUNG (PART) HRANG HRANG TE LEH A BAN TIAL DAN :

PUANCHEI hi kâwngvawna tah a nih chuan tum hnih bâna bân (bu hnih) tur a ni. *A Laisen* tah hmasak tur a ni a, chumi zawhah *A Belna* (a sîr tawn) hi bu danga bân a, tah leh tur a ni a.

Zung thuina hmun hnihah a nei. *A Laisen* leh *A Belna* a zeh leh Hruih te a *Zehlawm Lian (Block lian)*, *Zehlawm Tê (Block tê)* leh a Khêla Hruih te chu a inhmu thlap thlap tur a ni a. Zung thui tih hriat mang loh khawp a uluk tur a ni.

- A. ***A Laisen*** : Hei hi a puan hming chawitu leh a langsar ber a ni a, 12 inches (305 mm) vêla hlai a ni. A hrana puan dung chen, lai tanna awm lova bân tur a ni. ***A Laisen*** hi a hming ang hian a sen hlar tur a nih avangin a pheiah la sen rawlh tur a ni.

A Laisen hi hetiang indawt hian ban tial tur a ni :-

- (1) A dum hlai - A sir leh lam leh lamah 50 mm (5 cm) vêla hlai.
- (2) A sen - 2 mm vêla hlai (tahhruih zai 2 vel)
- (3) A vâ - 15 mm vêla hlai (tahhruih zai 13 vel)

- (4) A sen - 2 mm vêla hlai (tahhruih zai 2 vel)
- (5) A hring - 25 mm vêla hlai (tahhruih zai 23 vel)
- (6) A eng - 1 mm vêla hlai (tahhruih zai 1 vel)
- (7) A sen - 50 mm vêla hlai (tahhruih zai 39 vel)
- (8) A hring - 2 mm vêla hlai (tahhruih zai 23 vel)
- (9) A vâ - 15 mm vêla hlai (tahhruih zai 13 vel). Hei hi a lai (a centre) a ni a. Hemi dawtah hi chuan No. (8) atanga No. (1) ang chia a bâl lêt tûr a ni.

B. **A Belna** : A Laisen sir tawna belna tur a ni a. A lai tan tur a ni a, chuvangin A Laisen lêt a sei a bâl a ngai. A Belna hi 43 cm vela hlai a ni a. A vâ lai a vâ tha taka a lan nan a pheiah a vâ rawlh tur a ni.

A Belna hi rawng hrang hrang, a hnuai ziah dan indawt ang hian ban tial tur a ni:-

- (1) A tlângah (a tuipal) a sen - 110 mm (11 cm) vela hlai
- (2) A hring - 10 mm vel (tahhruih zai 8 vel)
- (3) A eng - 8 mm vel (tahhruih zai 6 vel)
- (4) A pâwl - 10 mm vel (tahhruih zai 8 vel)
- (5) A sen - 10 mm vel (tahhruih zai 8 vel)
- (6) A dum - 17 mm vel (tahhruih zai 14 vel)
- (7) A vâ - 85 mm vel (tahhruih zai 64 vel)
- (8) A dum - 17 mm vel (tahhruih zai 14 vel)
- (9) A sen - 2 mm (tahhruih zai 2 vel)
- (10) A hring - 12 mm vel (tahhruih zai 12 vel)
- (11) A eng - 1 mm (tahhruih zai 1 vel)
- (12) A sen - 25 mm vel (tahhruih zai 19 vel)
- (13) A eng - 1 mm (tahhruih zai 1 vel)
- (14) A hring - 12 mm vel (tahhruih zai 12 vel)
- (15) A sen - 2 mm (tahhruih zai 2 vel)
- (16) A dum - 17 mm vel (tahhruih zai 14 vel)
- (17) A var - 85 mm vel (Sl. No 17 tlang hi A Laisen zawmna tur a ni)

VI. **PUANCHEI TAH, ZEH LEH HRUIH : A HMAWR ATANGA A INDAWT DAN :**
PUANCHEI tah leh zeh dan a hnuai mi hi A Laisen atân leh A Belna atân a ni. Inang chia a tah tur a ni.

A. A HMAWR :

- (1) A hmawr ber (tah tanna) chu zeh lohin malkalh (tahmâwl tih a ni ang) 15 mm vêt tah phawt tur a ni. Hetah hian tlar 2/3 rawlh vual ngei ngei tur a ni. Rawlhvual hian puan hmawr thlêr tur a vêng a, a ti tlo.
- (2) Hruih - La dumin rawlh 3 lek
- (3) Tahmawl - 15 mm vêt
- (4) Hruih - La dumin 15 mm vêt
- (5) Tahmawl - 15 mm vêt

Hemi zawhah hian Zehhlawm Lian (Block lian) a intan.

B. ZEHHLAWM LIAN (Block Lian) : A hnuaiia indawt dan ang hian -

- (1) Hruih – La senin 15 mm vel
- (2) Hruih – La hringin 5 mm vel (rawlh 8 vel)
- (3) Hruih – A eng 1 mm vel (rawlh 4 vel)
- (4) Hruih – A pâwl 5 mm vel (rawlh 8 vel)
- (5) Hruih – A sendâng 2 mm vel
- (6) Lenbuangthuam/Disul, Herhsawp leh a pum (diamond) inkârthlâka zeh tur a ni. Herhsawpah hian a pâwl leh a hring hman kârthlâk tur a ni a. A pum (diamond) ah hian a eng, a sendâng leh a sen inkârthlâka hman tur a ni.
- (7) Sl. No (5) angin
- (8) Sl. No. (4) angin
- (9) Sl. No. (3) angin
- (10) Sl. No. (2) angin
- (11) Sl. No. (1) angin
- (12) Lenbuangthuam/Disul : Tlar khatah rawng khat zelin a âwnin rawng hrang hrang inkârthlâkin vawi thum khai chhuah a zeh tur a ni. A awm dan zawng chu veilam atanga dinglama awmin 'V' phelin a lang ang.
- (13) Sl. No (4) angin
- (14) Sakeizangzia : V shape-in 13 cm vel a lai takah a sen/ a eng rawlh 3 vel OR 16 nos. vêt a lai takah a sendâng, a hring leh a eng inchnâwkin dah tur a ni. Hei hi *ZEHHLAWM lian* lai tak Centre a ni.
Heta tang chuan Sl. No. (13) atangin a lêt zâwngin Sl. No. (1) thleng zeh/hruih tur a ni a.
Chumi zawhah tahdan (tahmawl) 10 mm vel a awm.

C. ZEHHLAWM TE (Block Tê): A hnuaiia indawt dan ang hian -

- (1) B – (1) angin
- (2) B – (2) angin
- (3) B – (3) angin
- (4) B – (4) angin
- (5) B – (5) angin
- (6) B – (12) angin
- (7) B – (5) angin
- (8) B – (4) angin
- (9) B – (3) angin
- (10) B – (2) angin
- (11) B – (1) angin
- (12) B – (2) angin
- (13) B – (3) angin
- (14) B – (4) angin
- (15) B – (5) angin
- (16) B – (12) angin (mahse a awmdan in opposite-in, dinglam atanga veilam zawnga âwnin)

(17) B - (5) angin

(18) B - (4) angin

(19) B - (3) angin

(20) B - (2) angin

(21) B - (1) angin

Tahmawl 13/14cm vel puan duh sei leh sei loh dan a zir in tah tur a ni.

D. HRUIHPUI - 1 : A khêlah Hruihpui a dumin a awm tur a ni. Hruihpui tlâng lehlam lehlam chu kherhin a hual ngei tur a ni bawk. Hruihpui hlai zawng hi 70 mm (7 cm) vel a ni.

Tahmawl 390 cm vel puan duh sei leh tawi a zirin a awm ang.

E. HRUIHPUI - 2 : A khêl lehlamah (D) ami ang chiah khi a awm leh tur a ni.

Tahmawl 13/14 cm vel puan duh sei leh sei loh dan a zir a tah leh tur a ni.

Chumi zawh atang chuan C(21) atanga A(1) a lêt zawngin a ang chiah a tah (repeat) tawh tur a ni.

F. A LAISEN : Khing Sl. No. V zawng zawng te bâkah khian a laisen hmun thuma a vâh bânah te hian Disul/Hmaizah/Fanghmamu te zeh tur a ni.

Zethlan Tê (Block tê) leh *Hruihpui* inkâr, *Hruihpui-1* leh *Hruihpui-2* inkârah heng te hi zeh tur a ni.

A sir var pahnih a zeh chu Disul, Hmaizah emaw Fanghmamu a nih pawhin a inang tur a ni a. A sendâng, a hring, a pâwl leh a sente inkârthlâka zepin wawi 5/6 khai pum zelin heng te hi zeh tur a ni.

A lai varah chuan a sir tuak a zethlan zeh ni lo Disul, Hmaizah emaw Fanghmamu emaw wawi 5/6 khai pum zel bawkin a sendâng, a hring, a pâwl leh a sente a zeh tur a ni.

VII. KHAWL SHUTTLE LOOM-AH : Khâwl/Shuttle Loom-a tah a nih chuan *A Laisen* hi a hran a bân a ni lovang a. A puan pumpui hian vawikhata bân tur a ni. Zungthuina a awm lo ang. A lai a tial dan leh a zeh dan zawng zawng erawh chu *A Belna* leh *A Laisen* a hma a sawi ang chiah khi a ni tur a ni a. A pheiah la vâh rawlh tur a ni.

VIII. Technical Specification of the samples submitted for analysis :

NAME OF THE PRODUCT : PUANCHEI (Cotton)

Sl. No	Particulars	Unit	Measurement
1	Length	Metre	1.40
2.	Width	Metre	1.12
3.	Weight	Gram	480
4.	GSM	Gram	306.12
5.	Ends	Inch	128
6.	Picks	Inch	32/34
7.	Warp Count	N.A	2/40 S Cotton
8.	Weft Material	N.A	Acrylic/cotton
9.	Weft Count	N.A.	2/40S acrylic & cotton

2. HMARAM

Hmaram hi puan ven chi dangte ang a ni lova, a vang a te em em a. Kawngvawn a tah anih pawhin zung thuina a nei ngai lova. Puan ti pawh a sawi a ni ngai lova, pawnfen/fenphel tih a ni thin.

Hmaram hi Mizo Hmeichhiate kut chhuak hmasa pawl tak a ni a. Uluk taka a ziate leh nihna te hi vawn him tur a ni.

A Tah leh Zeh Dan Tlangpui :

- 1) Cotton, acrylic, silk leh natural fibre te a tung leh pheiah hman theih a ni.
- 2) Rawng dum leh var lo chu rawng dang engmah hman tur a ni lo.
- 3) Malkalh a chhah tha taka tah tur a ni a. A tungah leh a pheiah la zai hnih leh a aia tam kawp phal a ni lo. A dum chauh hman tur a ni.
- 4) A hlai zawng hi 50 cm vel a ni a. A sei zawng erawh chu 127 cm leh a aia sei te a ni tur a ni.
- 5) Heng a hnuazia zethlan a engpawh hi zeh theih a ni a. A thlan/ hnahchawi erawh a dik ngei tur a ni.
 - i) Kawkpuizikzial - Hnahchawi 30 aia tlem lo.
 - ii) Lenbuangthuam - Hnahchawi 12 aia tlem lo.
 - iii) Disul - Hnahchawi 12 aia tlem lo.
- 6) A tlang rawlh vual tur a ni a. Hmaram ah hian Zeh hlawm lian leh te 5 ve ve a awm a. Zehlawm lian 3 na chu a mawng zawn taka awm tur a ni.
- 7) 6 cm vel kar awl tah hnuah ze thlan Zeh hlawm te 0.5 cms vel lek a var a zeh tur a ni.

- 8) Chumi hnuah karawl tah mawl 6 cm inches vel tah a zethlan 7/9 cm, 'Zeh hlawm lian' vel a var a zeh tur a ni.
- 9) Sl. No. 7 - 8 ang hian tah chhoh zel (repeat) tur a ni a. Vawihnih repeat tur a ni.

Hei hi a mawng zawn tak a ni a. A hma a sawi ang khian a tlang thleng a repeat let leh mai tur a ni.

A puan duh sei leh tawi dan a zir in a kar awl tah hi tih sei a tih tawi mai tur a ni.

Technical Specification of the samples submitted for analysis :

NAME OF THE PRODUCT : HMARAM (Acrylic)

Sl. No	Particulars	Unit	Measurement
1	Length	Metre	1.34
2.	Width	Metre	0.53
3.	Weight	Gram	146
4.	GSM	Gram	205.58
5.	Ends	Inch	52
6.	Picks	Inch	36 (2ply)
7.	Warp Material	N.A.	Acrylic
8.	Warp Count	N.A	2/40 S Acrylic
9.	Weft Material	N.A	Acrylic
10.	Weft Count	N.A.	2/40 S Acrylic

Remarks :

Puan size (a dung leh vang) te hi a veng/bih tu tur te taksa pianhmang a zirin a tih len in a tih tet theih ang. Amaherawh chu technical specification angin a zethlan te erawh hman tur a ni ang.

3. NGOTEKHERH

Ngotekherh hi Mizo puan hlu tak leh mawi tak a ni a. A tah dan leh a rawng te hi tih danglam mai mai tur a ni lova. Uluk taka vawn him leh hman tur a ni.

I. **A Tah Dan Tlangpui :**

- 1) Cotton, Acrylic, silk emaw natural fibre te chauh a tung leh pheiah hman tur a ni.
- 2) Ngotekherh ah hian rawngdum leh var nilo, eng rawng dang mah hman tur a ni lo.
- 3) Malkalh-in, a tung leh pheiah lazai mal chauh hmanga tah tur a ni. Zai hnih leh a aia tam a tung leh pheiah hman loh tur a ni.
- 4) Pan lutuk lova a tung ban tur a ni a. Tha taka khawng in, bit tha takin, a dum lai te pawh rang lo a tah tur a ni.
- 5) Hmawr fem 4 cm inches vel phiar emaw, hrual emaw a nei ngei tur a ni.

- 6) A duma a tung leh a phei intial chhunga a var hi killi nei (Square shape) dik taka tah tur a ni.
- 7) Ngotekherh hming chawi chhan Hruih sira a vara Kherh hi uluk taka tah tur a ni.

II. A Ban Tial Dan :

- 1) A tlang (a tuipal) ah 12 cm emaw 13 cm emaw a dum ban tur a ni.
- 2) Chumi hnuah a var leh a dum inkar thlak in zai riat emaw zai sawm zel in vawi kua emaw vawi 11 ah tial tur a ni.
- 3) Chumi dawtah 1 inch a dum ban leh tur a ni.
- 4) Hemi dawtah chuan a var 4 cm inches leh a dum 1cm ban kar thlak zelin vawi 7 ban tur a ni a.
- 5) Chumi zawhah a 4 cm inches phel chiah ban tur a ni a. Hei hi a zung thuina tur a ni a. Shuttle loom-ah chuan a lai tak, a centre a ni.

III. A Tah Dan :

- 1) Ngotekherh ah hian thai hruih bak zethlan engmah a awm tur a ni lo.
- 2) A phei a tan a var rawlh tur a ni a, a khat tawk in a dum a rawlh ran tur a ni.
- 3) A hmawr 5 mm tah hnuah tlar 3/4 rawlh vual tur a ni.
- 4) A hmawr 10 mm vel tah hnuah la dum a tlar 3 hruih (thai hruih) tur a ni.
- 5) 8 mm tah a, a dum bawk a 10 mm vel hruih leh tur a ni. Sl. No. (2) - (5) hi a tlang leh lam ah pawh tih tur a ni.
- 6) Malkalh-in a var rawlh a tah in 40mm tah tur a ni a. Chumi hnuah 10mm a dum rawlh tur a ni.
 Hetiang hian tah zel in (repeat) a khel thleng a tah tur a ni. A sei zawng chu mahni puan duh sei dan a zir in a sei in a tawi thei a, tial 9 vel a ni tlangpui. Tawngchham lutuka tah tur a ni lo.
- 7) **Kherh** : La var leh dum rawlh kar thlak in tlar 4 lek hruih tur a ni. Hei hi Kherh tih a ni a. A puan hming chawitu a ni.
- 8) **Hruih** : Kherh dawtah chuan a dumin 60mm hruih tur a ni a. Chumi hnuah Kherh leh tur a ni.
- 9) Kherh Sl. No. (7) ang in.
- 10) Sl. No. (6) ang khian a khel lehlam thleng tah tur a ni.
- 11) Sl. No. (7) leh Sl. No. (8) leh Sl. No (9) ang in
- 12) Sl. No. (6) ang khian a khel lehlam thlengin duh sei leh sei loh a zir in nawn (repeat) emaw paih mai tur a ni.
- 13) A tlang leh lam Sl. No (5) ang in.
- 14) Sl. No. (4) ang in
- 15) Sl. No (3) ang in
- 16) Sl. No (2) ang in
- 17) Sl. No. (1) ang in

IV. Technical Specification of the samples submitted for analysis :

NAME OF THE PRODUCT : NGOTEKHERH (Acrylic)

Sl. No	Particulars	Unit	Measurement
1	Length	Metre	1.60
2.	Width	Metre	1.17
3.	Weight	Gram	400
4.	GSM	Gram	213.68
5.	Ends	Inch	104
6.	Picks	Inch	30
7.	Warp Material	N.A.	Acrylic
8.	Warp Count	N.A	2/40 S Acrylic
9.	Weft Material	N.A	Acrylic
10.	Weft Count	N.A.	2/40 S Acrylic

Remarks :

Puan size (a dung leh vang) te hi a veng/bih tu tur te taksa pianhmang a zirin a tih len in a tih tet theih ang. Amaherawh chu technical specification angin a zia te erawh hman tur a ni ang.

4. PAWDUM

Pawndum hi Mizo puan upa tak leh hlu tak, awmze thuk tak nei a hman thin a ni. A tah dan tur dik taka tah a a hmanna tur dik takah chauh hman tur a ni.

I. A Tah Dan Tlangpui :

- 1) Cotton, acrylic, silk emaw natural fibre emaw chauh a tung leh phei ah hman tur a ni.
- 2) Pawndum hi a tawngchham tur a ni lova, 115 cm vel a hlai 153 cm vela sei a ni tur a ni.
- 3) Malkalhin, zai mal (single) a tung leh phei a hmangin tah tur a ni. Zai hnih emaw a aia tam emaw kawp tur a ni lo.
- 4) Uluk takin; bit tha taka khawn tur a ni.
- 5) Kut hruih a hmawr leh lam leh lamah a awm tur a ni a. Zethlan dang emaw a tel tur a ni lo.
- 6) Hmawr fem inches 4 cm vel a sei uluk tak a phiar emaw, hrual emaw a nei tur a ni.

II. A tial dan : Pawndum hi rawng chi ruk ban tial a ni a. A langsar ber leh a background chu a dum a ni. A dum bakah a tial ranna te chu a sen, a hring, a pawl, a sendang, a eng leh a dum te an ni.

A tlang (a tuipal) atanga a tial dan indawt a hnuai mi ang hi a ni.

Tlang tial :

- 1) A sen - 3 cm vel
- 2) A hring - 1 cm vel
- 3) A sendang - 1 cm vel
- 4) A pawl - 1 cm vel
- 5) A eng - 0.5 cm vel
- 6) A dum - 3 cm vel
- 7) A eng - 0.5 cm vel
- 8) A pawl - 1.5 cm vel

- 9) A sendang - 0.5 cm vel
- 10) A hring - 1.5 cm vel

Kar awl : A sen 5.5 cm vel

Tial hlawm :

- 1) A hring - 1.5 cm vel
- 2) A sendang - 0.5 cm vel
- 3) A pawl - 1.5 cm vel
- 4) A eng - 0.5 cm vel
- 5) A dum - 3 cm vel
- 6) A eng - 0.5 cm vel
- 7) A pawl - 1.5 cm vel
- 8) A sendang - 0.5 cm vel
- 9) A hring - 1.5 cm vel

Kar awl : A sen 5.5 cm vel

Tial hlawm : A chung a mi ang

Kar awl : A chung a mi ang chanve 3 cm aia te deuh. Hei hi a puan lai tak a ni. Hemi zawhah chuan a hma a mi ang a ban tial let tur a ni.

III. Technical Specification of the samples submitted for analysis :

NAME OF THE PRODUCT : PAWNDUM (Acrylic)

Sl. No	Particulars	Unit	Measurement
1	Length	Metre	1.62
2.	Width	Metre	1.14
3.	Weight	Gram	368
4.	GSM	Gram	199.26
5.	Ends	Inch	128
6.	Picks	Inch	34/36
7.	Warp Material	N.A.	Acrylic
8.	Warp Count	N.A	2/40 S Acrylic
9.	Weft Material	N.A	Acrylic
10.	Weft Count	N.A.	2/40 S Acrylic

Remarks :

Puan size (a dung leh vang) te hi a veng/bih tu tur te taksa pianhmang a zirin a tih len in a tih tet theih ang. Amaherawh chu technical specification angin a zia te erawh hman tur a ni ang.

5. TAWLHLOHPUAN

Tawlhlohpuan hi Mizo puan pawimawh tak leh hming nei a ni a. Serh tak leh awmze nei taka hman thin a ni. A hlutna hria-in a hman dan tur leh hmanna tur dik takah chauh hman tur a ni.

I. A tah dan tur tlangpui :

- 1) Tawlhlohpuan a tan chuan cotton, acrylic, silk leh natural fibre te hman theih a ni.
- 2) A tung leh a phei atan a dum chauh hman tur a ni.
- 3) A hruihna (thaihruih) a tan a eng, a sen leh a var hman tur a ni a. Cotton, acrylic, silk, natural fibre leh wool te hman theih a ni ang.
- 4) Tawlhlohpuan hi malkalh in la zai mal (single) a tah tur a ni a. A tung leh phei ah pawh zaihnih emaw a aia tam emaw a kawp tur a ni lo.
- 5) Chhah taka ban a, uluk ta a khawn a, bit/nghet tha tak a tah tur a ni a. A hruih te pawh tha tak a thai in, a tung (la dum) lang miah lo a tah tur a ni.
- 6) Chhunglam leh pawn lam hriat hran mang loh a mam a tah tur a ni.
- 7) Puan hmawr chu tlar 2/3 tal rawlh vual tur a ni.
- 8) Tlang fem 4 cm vel a nei ang a, a fem chu tlar hnih sin tak a phiar emaw, sin tak a hrual emaw a ni tur a ni.
- 9) Kut hruih lo chu zethlan dang engmah Tawlhlohpuan ah hian a tel lo.

II. A hruihdan : Tawlhlohpuanah chuan hruih hlawm hmun 5-ah a awm a. Chung te chu a hmaah, a khelah leh a mawngah te an ni.

A hma leh a mawnga hruih te hi a in ang chiah a, Hruih Hlawm Lian tih a ni a. A khel leh lam leh lam a hruih te hi Hruih Hlawm Te tih a ni. Hruih Hlawm te hi puan duh sei leh sei loh dan a zirin a karah tah mawl a dan mai tur a ni.

1. Hruih Hlawm Lian : A hnuiaia hruih te hi tahmawl tah dan vawi li vel zel rawlh in a dai dan zel ang.

- i) Rawlh li vel a sen a hruih, a var rawlh hnih lekin a kual khung tur a ni.
- ii) Rawlh li vel a sen a hruih, a eng rawlh hnih lek in a kual khung tur a ni. Hei hi a kar a tah dan dah zel in tum thum (3) nen (repeat) tur a ni.
- iii) A sen in 1.5 cm hruih a awm ang.
- iv) A var in 1.5cm hruih a awm leh ang. Hei hi Hruihpui lai tak (Centre) a ni a. Hemi zawhah chuan (iii), (ii) leh (i) te hi nawn tur a ni.

1. Hruih Hlawm te : Hruih Hlawm Lian nen in ang tak, mahse a danglamna chu a sen rawlh li, a var rawlh hnih a kual khung ((i), (ii) ang) hi vawi khat chauh tih tur a ni.

III. Technical Specification of the samples submitted for analysis :

NAME OF THE PRODUCT : TAWLHLOHPUAN (Acrylic)

Sl. No	Particulars	Unit	Measurement
1	Length	Metre	1.56
2.	Width	Metre	1.06
3.	Weight	Gram	336
4.	GSM	Gram	203.19
5.	Ends	Inch	60
6.	Picks	Inch	30 (3 ply)
7.	Warp Material	N.A.	Acrylic
8.	Warp Count	N.A	2/40 S Acrylic

9.	Weft Material	N.A	Acrylic
10.	Weft Count	N.A.	2/40 S Acrylic

Remarks :

Puan size (a dung leh vang) te hi a veng/bih tu tur te taksa pianhmang a zirin a tih len in a tih tet theih ang. Amaherawh chu technical specification angin a zia te erawh hman tur a ni ang.

G.I. PUAN PANGA : PUANCHEI, PAWDUM, NGOTEKHERH, HMARAM, TAWLHLOHPUAN HMAN DAN LEH KHUAHKHIRHNA

- I. Kan Mizo puan panga (5) te hi pi leh pu atanga kan rochun an ni a, an zahawmna vawnhim hi kan mawhphurhna a ni. Chutih rualin chawilar a tul bawk si a, chuvangin a hman dan tur pawh hi zalen deuh hlek in duan a ni a, fimkhur taka hman tur a ni ang.
Heng puan panga Geographical Indication tag nei te - Puanchei, Pawndum, Ngotekherh, Tawlhlohpuan leh Hmaram te hi a puan ngau ngau hi chuan a hmanna dik tak atan bak thil dangah hman phal a ni lo.
- II. Heng kan Mizo puan panga (5) zethlan te hi thildangah hman khap a ni lova, amaherawh chu, a zahawmna ti bawrhbang thei khawpa hman phal a ni lo.
- III. Kan Geographical Indication puante hi a tah nilo, print chi hrang hrang hmanga siam phal a ni lo.
- IV. Kan Geographical Indication puan zethlan/design-te hi incheina danga kan hmang dawn anih pawhin authorized user te tah ngei hman tur a ni ang a, a zethlan/design dik tak chauh hman tur a ni.
- V. Geographical Indication tag nei puan designte thawmhnaw dangah zeh tel anih pawhin a zahawmna ti bo thei zawng a hman loh tur a ni.
- VI. Puantah, thui, designing kawngah eizawng/sumdawng thahnem tak kan awm a, an ni hian mawhphurhna sang leh thui tak an nei a, an mawhphurhna hi hria a fimkhur taka kan puan G.I. te hman kawngah kal turin kan in ngenin kan in hriattir bawk a ni.

Geographical Indication Tag nei Puanchei :

Hman phalna te :

- 1) Kut ni vangthla
- 2) Inneihna leh Hlimni te
- 3) Pipu Zai leh Lam
- 4) Thil danga a zethlan te hman anih pawhin a zethlan size erawh technical specification ang zawm tur a ni ang

Hman phallohna :

- 1) Ruang khuh nan
- 2) Dawhkan/Khum khuhna leh parda atan
- 3) Stage, Lectern leh Bang chei nan
- 4) Puanchei hi a puan ang ngau ngau chuan a chung a mite tan hian hman phal a ni lova, amaherawhchu a zethlan hrang hrang te erawh hman khap a ni lem lo.

Geographical Indication Tag nei Pawndum :

Hman phalna te :

- 1) Kut ni vangthla
- 2) Chhiatni leh lungngaihni ah
- 3) Ruang khuh nan
- 4) Pipu te Zai leh Lam
- 5) Thildanga a design hman anih pawhin a zia te hi technical specification ang zawm tur a ni.

Hman phallohna :

- 1) Khualtha thilpek atan
- 2) Pawndum hi hlim leh lawm ni ah leklam tur a ni lo
- 3) Dawhkan/Khum khuhna leh parda atan
- 4) Stage, Lectern leh Bang chei nan
- 5) Pawndum hi a puan ang ngau ngau chuan a chung a mite tan hian hman phal a ni lova, amaherawhchu a design te erawh hman khap a ni lem lo.

Geographical Indication Tag nei Tawlhlohpuan :**Hman phalna te :**

- 1) Kut ni vangthla
- 2) Mi huaisen leh hlawhtlingte chawimawi nan
- 3) Thil tha lamah
- 4) Pipu te Zai leh Lam
- 5) In fuih leh in cho phur nan
- 6) Thildanga a design hman anih pawhin a zia te hi technical specification ang zawm tur a ni.

Hman phallohna :

- 1) Ruang khuh nan
- 2) Chawimawi phu tak te nilo hnenah chuan hlan loh tur
- 3) Dawhkan/Khum khuhna leh parda atan
- 4) Stage, Lectern leh Bang chei nan
- 5) Tawlhlohpuan hi a puan ang ngau ngau chuan a chung a mite tan hian hman phal a ni lova, amaherawhchu a design te erawh hman khap a ni lem lo.

Geographical Indication Tag nei Ngotekherh :**Hman phalna te :**

- 1) Kut ni vangthla
- 2) Thil tha lamah leh hlim ni ah
- 3) Pipu te Zai leh Lam
- 4) Thildanga a design hman anih pawhin a zia leh hruih te hi technical specification ang zawm tur a ni.

Hman phallohna :

- 1) Ruang khuh nan
- 2) Dawhkan/Khum khuhna leh parda atan
- 3) Stage, Lectern leh Bang chei nan
- 4) Ngotekherh hi a puan ang ngau ngau chuan a chung a mite tan hian hman phal a ni lova, amaherawhchu a design te erawh hman khap a ni lem lo.

Geographical Indication Tag nei Hmaram :**Hman phalna te :**

- 1) Kut ni vangthla
- 2) Thil tha lamah
- 4) Pipu te Zai leh Lam
- 5) Puan silh atana tah anih pawhin a zethlan Disul/Lenbuangthuam /Kawkpuzikzial te hman tur a ni ang. A zethlan pianzia erawh technical specification and zawm tur a ni ang.

Hman phallohna :

- 1) Ruang khuh nan
- 2) Dawhkan/Khum khuhna leh parda atan
- 3) Stage, Lectern leh Bang chei nan
- 4) Hmaram hi a puan ang ngau ngau chuan a chung a mite tan hian hman phal a ni lova, amaherawhchu a zethlante erawh hman khap a ni lem lo.

Sd/- LALTHANSANGA

Secretary to the Govt. of Mizoram

Art & Culture Department

Dated the 10th June, 2022

Memo No.B.20011/1/2019-AC :

Copy to:-

1. Secretary to Governor of Mizoram, Aizawl.
2. Secretary to Chief Minister, Mizoram.
3. P.S. to Speaker, Mizoram Legislative Assembly.
4. P.S. to Deputy Speaker, Mizoram Legislative Assembly.
5. P.S. to Deputy Government Whip, Mizoram.
6. P.S. to All Ministers/Ministers of State, Mizoram.
7. Sr.P.P.S. to Chief Secretary, Govt. of Mizoram.
8. All Administrative/Heads of Department, Govt. of Mizoram.
9. Controller, Printing & Stationery with 5 spare copies for publication in the Mizoram Gazette
10. Director, Art & Culture Department.
11. Director, Commerce & Industries Department.
12. Director, Science & Technology Department.
13. Guard file.



(B.ZAMKHAWNANGA)

Under Secretary to the Govt. of Mizoram
Art & Culture Department